



Broj: 02-05-18901-28/16
Sarajevo, 19.05.2016. godine

Na osnovu člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka), Vlada Kantona Sarajevo na **43.** sjednici održanoj **19.05.2016.** godine, donijela je sljedeći

ZAKLJUČAK

1. Utvrđuje se Prijedlog zakona o izmjenama i dopunama Zakona o administrativnim taksama.
2. Predlaže se Skupštini Kantona Sarajevo da donese zakon o izmjenama i dopunama Zakona o administrativnim taksama po skraćenom postupku, u skladu sa članom 158. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi prečišćeni tekst i br.15/13, 47/13 i 47/15).

P R E M I J E R

Elmedin Konaković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo finansija
5. Evidencija
6. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
SKUPŠTINA KANTONA SARAJEVO

Z A K O N
O IZMJENAMA I DOPUNAMA
ZAKONA O ADMINISTRATIVNIM TAKSAMA

Nosioc izrade
Ministarstvo finansija

Sarajevo, maj 2016. godine

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj godine, donijela je

ZAKON O IZMJENAMA I DOPUNAMA ZAKONA O ADMINISTRATIVNIM TAKSAMA

Član 1. (Dopuna člana 8. Zakona)

U Zakonu o administrativnim taksama („Službene novine Kantona Sarajevo“, broj 30/01 - Prečišćeni tekst, 22/02, 10/05 i 26/08) u članu 8. stav 1. iza tačke 11. dodaju se nove tačke 12. i 13. koje glase:

„12. Notari kada u ostavinskom postupku postupaju kao povjerenici suda i
13. Privredna društva za zapošljavanje lica sa invaliditetom i zaštitna radionica.“

Član 2. (Dopuna u članu 9 stav (1) tačka 7. Zakona)

U članu 9. stav 1. u tački 7. na kraju teksta tačka-zarez zamjenjuje se zarezom i dodaje tekst koji glasi: „ostvarivanje prava korisnika na novčani podsticaj u biljnoj i animalnoj proizvodnji i modelu kapitalnih ulaganja.“

Član 3. (Izmjena u Tarifnom broju 1.)

U članu 20. u Tarifnom broju 1. stav 2. u tački 5. broj „50 “ zamjenjuje se brojem „30 “.

Član 4. (Izmjena u Tarifnom broju 8.)

U članu 20. u Tarifnom broju 8. u tački 2. broj „0,50“ zamjenjuje se brojem „0,25“.

Član 5. (Dodavanje Tarifnog broja 19a.)

U članu 20. iza Tarifnog broja 19. dodaje se novi Tarifni broj 19a. koji glasi:

„Tarifni broj 19a.

Za rješenje po zahtjevu za izdavanje:

- a) prethodne vodne saglasnosti 35
- b) vodne saglasnosti 30

c) vodne dozvole 35“.

Član 6.
(Dodavanje Tarifnog broja 34a.)

U članu 20. iza Tarifnog broja 34. dodaje se novi Tarifni broj 34a. koji glasi:

„Tarifni broj 34a.

- a) za rješenja o utvrđivanju ispunjenosti propisanih uslova u pogledu prostora, opreme i kadra za osnivanje i rad zdravstvenih ustanova 55
- b) za rješenja o odobravanju zdravstvenim radnicima obavljanje privatne prakse u privatnoj ordinaciji, laboratoriji, apoteci, zdravstvene njege bolesnika u kući 35
- c) za rješenja o ispunjenosti propisanih uslova u pogledu prostora, opreme i kadra za rad specijalizirane trgovine za promet medicinskim sredstvima na malo 35
- d) za rješenja o odobravanju obavljanja metoda i postupaka alternativne medicine u zdravstvenoj ustanovi, odnosno privatnoj praksi 35“.

Član 7.
(Izmjena u Tarifnom broju 37.)

U članu 20. u Tarifnom broju 37. stav 2. briše se.

Član 8.
(Ovlaštenje za utvrđivanje novog prečišćenog teksta Zakona)

Ovlašćuje se Zakonodavno-pravna komisija Skupštine Kantona Sarajevo da utvrdi novi prečišćeni tekst Zakona o administrativnim taksama.

Član 9.
(Stupanje na snagu Zakona)

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj _____
Sarajevo _____

PREDSJEDATELJICA
SKUPŠTINE KANTONA SARAJEVO
Prof. Ana Babić

O B R A Z L O Ž E N J E

PRAVNI OSNOV

Pravni osnov za donošenje Zakona o izmjenama i dopunama Zakona o administrativnim taksama sadržan je u članu 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04 i 6/13).

RAZLOZI ZA DONOŠENJE

Usvajanjem Reformske agende i planom aktivnosti, Vlada Kantona Sarajevo se opredijelila za provođenje programa ekonomskih reformi, kao ključnog elementa koji treba da podstakne sveobuhvatne strukturalne reforme da bi se održala makroekonomska stabilnost i pospješio rast i konkurentnost. Težnja je da se unaprijedi konkurentnost u Kantonu Sarajevo eliminiranjem već dobro poznatih i dokumentovanih prepreka investicijama. Također je neophodno ujednačiti procedure i postupke u svim oblastima poslovanja, s posebnim naglaskom na oblasti poljoprivrede i podsticaja, zdravstva, vodnih akata i slično. Cilj ovih reformskih napora, je između ostalog, unaprijediti položaj Kantona Sarajevo, odnosno Bosne i Hercegovina i u različitim globalnim izvještajima koji adresiraju pitanja konkurentnosti i poslovanja, uključujući i Izvještaj o lakoći poslovanja Svjetske banke. Također je neophodno osigurati uvjete za jačanje jedinstvnog ekonomskog prostora. Imajući u vidu, da su u proteklom periodu poduzete sveobuhvatne mjere na unapređenju provođenja administrativnih postupaka u Kantonu Sarajevo, neophodno je ovaj reformski pristup ojačati i u segmentu administrativnih taksi. Predloženim smanjenjima u tarifnim brojevima, omogućava se ušteda privatnom sektoru u iznosu od 1.048.494 KM na godišnjem nivou. Također, predlaže se uvođenje kantonalne administrativne takse u postupcima izdavanja vodnih akata, kao i postupcima izdavanja odobrenja za rad zdravstvenim ustanovama, te odobrenja za obavljanje djelatnosti zdravstvenim radnicima u privatnoj praksi. Naime, do sada su u navedenim postupcima, u primjeni bile federalne upravne takse.

Pored navedenog, ovim nacrtom se ukida i plaćanje takse na izdavanje radne dozvole u Kantonu Sarajevo. Naime, od 06.06.2011. godine, na teritoriji FBiH, u primjeni je „Procedura za izdavanje radne dozvole“, koju je sačinila Radna grupa sastavljena od predstavnika Federalnog zavoda za zapošljavanje, kantonalnih/županijskih službi za zapošljavanje, Ministarstva sigurnosti BiH - Službe za poslove sa strancima, Federalne uprave za inspeksijske poslove i IFC-a-grupacije Svjetske banke - Tima za generiranje ulaganja. Procedurom je, između ostalog, usklađena visina administrativnih troškova postupka izdavanja radne dozvole u kantonalnim/županijskim službama za zapošljavanje, uvedene jedinstvene naknade, shodno kojima naknada za administrativne troškove kantonalnih službi za zapošljavanje iznosi 100,00 KM, a Federalnog zavoda za zapošljavanje 50,00 KM. Izuzetno, u Kantonu Sarajevo se pored naknada, nastavila naplaćivati i kantonalna administrativna taksa od 1.000,00 KM. Ovim se konačno uspostavlja jedinstven ekonomski prostor, a ušteda po ovoj taksi je 724.379 KM na godišnjem nivou.

Ovim Prijedlogom zakona, predlaže se rješenje, prema kojem se postiže da fizička i pravna lica snose manje troškove u postupku koji se vodi pred kantonalnim organima uprave, a smanjenja novčanih iznosa na ime takse, izvršena su u skladu sa vrstom i karakterom spisa i radnji. Važno

je napomenuti, da su sva smanjenja rezultat višemjesečnih konsultacija, sastanaka radnih grupa, te održanih fokus grupa na nivou Kantona Sarajevo sa svim zainteresovanim stranama.

Tabelarni prikaz:

Institucija	Sifra	Administrativni postupak	Godisnje usteđe za privatni sektor	
			u USD	u KM
Ministarstvo privrede KS	MP.SPVS.32	Ostvarivanje prava na novčani podsticaj – biljna proizvodnja	\$1.994,00	3.514,69 KM
	MP.SPVS.33	Ostvarivanje prava na novčani podsticaj – model kapitalnih ulaganja	\$434,00	764,98 KM
	MP.SPVS.34	Ostvarivanje prava na federalnu novčanu podršku – animalna proizvodnja	\$3.929,00	6.925,39 KM
	MP.SPVS.35	Ostvarivanje prava na federalnu novčanu podršku – biljna proizvodnja	\$743,00	1.309,64 KM
	MP.SPVS.36	Ostvarivanje prava na novčani podsticaj – animalna proizvodnja	\$8.660,00	15.264,40 KM
	MP.SPVS.46	Ostvarivanje prava na novčani podsticaj -gljivarska proizvodnja	\$116,00	204,47 KM
	MP.SPVS.47	Ostvarivanje prava na novčani podsticaj-organska proizvodnja	\$14,00	24,68 KM
	MP.DT.1	Izdavanje iskaznice za turističkog vodiča	\$42,00	74,03 KM
	MP.STU.1	Ovjera trgovačkih knjiga	\$162.914,00	287.157,61 KM
	MP.SPVS.43	Prethodna vodna saglasnosti	\$2.722,00	4.797,89 KM
	MP.SPVS.44	Vodna saglasnost	\$1.053,00	1.856,05 KM
MP.SPVS.45	Vodna dozvola	\$1.060,00	1.868,39 KM	
Ministarstvo zdravstva KS	MZ.OPP.1	Odobrenje za rad apoteke zdravstvene ustanove	\$3,00	5,29 KM
	MZ.OPP.2	Odobrenje za rad apoteke u privatnoj praksi/ ogranka apoteke zdravstvene ustanove	\$37,00	65,22 KM
	MZ.OPP.3	Odobrenje za rad specijalizirane trgovine za promet medicinskih sredstava na malo	\$61,00	107,52 KM
	MZ.OPP.5	Utvrđivanje ispunjenosti uvjeta prostora, opreme i kadra za osnivanje i obavljanje zdravstvene djelatnosti u zdravstvenim ustanovama	\$9,00	15,86 KM
	MZ.OPP.6	Obavljanje metoda i postupaka alternativne medicine u zdravstvenoj ustanovi / privatnoj praksi	\$5,00	8,81 KM
	MZ.OPP.7	Odobrenje za rad ogranka apoteke zdravstvene ustanove	\$24,00	42,30 KM
	MZ.OPP.11	Odobranje rada ordinacije/laboratorije zdravstvene njege bolesnika u kuci	\$61,00	107,52 KM
Zavod za zaposljavanje KS	FZZ.JUSZ.1	Rješenje o izdavanju i produženju radne dozvole za rad stranca	\$410.964,00	724.378,75 KM
		UKUPNO	\$594.845,00	1.048.493,49 KM
Kurs 1 USD	1,7626331 KM			

Sljedeći razlozi za donošenje ovog Zakona su:

-usaglašavanje sa Zakonom o nasljeđivanju u Federaciji BiH („Službene novine Federacije BiH“, broj 80/14) u pogledu od oslobađanja od plaćanja administrativne takse notara kada u ostavinskom postupku postupaju kao povjerioci suda. Inicijativu za usklađivanje, odnosno dopunu člana 9. stav(1) Zakona uputila je Notarska komora FBiH.

-usaglašavanje sa Zakonom o profesionalnoj rehabilitaciji, osposobljavanju i zapošljavanju lica sa invaliditetom („Službene novine Federacije BiH“, broj 9/10) u pogledu od oslobađanja od plaćanja takse privrednog društva za zapošljavanje lica sa invaliditetom i zaštitne radionice

PRAVNA RJEŠENJA

Član 1 – ovim članom proširuje se krug pravnih lica za oslobađanje od plaćanja administrativne takse i to notari kada u ostavinskom postupku postupaju kao povjerioci suda, odredba je usklađena sa članom 267. stav (3) Zakona o nasljeđivanju u FBiH i privredna društva za zapošljavanje lica sa invaliditetom i zaštitna radionica, ova odredba je usklađena sa članom 49.

Zakona o profesionalnoj rehabilitaciji, osposobljavanju i zapošljavanju lica sa invaliditetom („Službene novine Federacije BiH“, broj 9/10)

Član 2 – ovim članom su oslobođena pravna i fizička lica od plaćanja takse u postupcima vezanim za ostvarivanje prava na novčane podsticaje u oblasti poljoprivrede

Član 3 – ovim članom propisana je smanjenje administrativne takse za izdavanje iskaznice za turističkog vodiča što bi pogodovalo razvoju turističke djelatosti na području Kantona.

Član 4 – ovim članom propisano je smanjenje kantonalne administrativne takse za ovjeru poslovnih knjiga

Član 5 – ovim članom propisano je uvođenje kantonalne administrativne takse za izdavanje vodnih akata

Član 6 – ovim članom propisano je uvođenje kantonalne administrativne takse u postupcima izdavanja odobrenja za rad zdravstvenim ustanovama, te odobrenja za obavljanje djelatnosti zdravstvenim radnicima u privatnoj praksi

Član 7 – ovim članom ukida se administrativna taksa za rješenje o davanju, odnosno produženju radne dozvole za rad stranaca

Član 8 – ovim članom se ovlašćuje Zakonodavno-pravna komisija Kantona Sarajevo da utvrdi novi prečišćeni tekst Zakona o administrativnim taksama

Član 9 – Propisano je stupanje na snagu Zakona.

DONOŠENJE ZAKONA PO SKRAĆENOM POSTUPKU

Kako je Programom rada Skupštine Kantona Sarajevo za 2016.godinu planirano donošenje izmjena i dopuna Zakona o administrativnim taksama, te kako nije u pitanju složena i obimna izmjena zakona, predlaže se Skupštini Kantona Sarajevo da u skladu sa članom 158. Poslovnika Skupštine Kantona Sarajevo – Drugi novi prečišćeni tekst, Prijedlog zakona o izmjenama i dopunama Zakona o administrativnim taksama pretrese i donese po skraćenom postupku bez Nacrta zakona.

FINANSIJSKA SREDSTVA

Za provođenje ovog zakona nisu potrebna dodatna finansijska sredstva u Budžetu Kantona Sarajevo.

Bosna i Hercegovina
 Federacija Bosne i Hercegovine
KANTON SARAJEVO
 Ministarstvo pravde i uprave



Bosnia and Herzegovina
 Federation of Bosnia and Herzegovina
CANTON SARAJEVO
 Ministry of Justice and Administration

Broj: 03-05-02-18865/16
 Sarajevo, 17.05.2016. godine

KANTON SARAJEVO
MINISTARSTVO FINANSIJA


PREDMET: Prijedlog Zakona o izmjenama i dopunama Zakona o administrativnim taksama,
 mišljenje
 Vaš broj: 08-01-02-18666/16 od 16.05.2016. godine

Postupajući po Vašem aktu, broj i datum gornji, u skladu sa odredbama člana 7. Zakona o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“, broj 2/12- Prečišćeni tekst i br. 41/12 i 8/15) i člana 4. stav 2. Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, br. 21/11, 30/11 i 23/15), Ministarstvo pravde i uprave razmotrilo je prijedlog ovog zakona, po skraćenom postupku i daje slijedeće

MIŠLJENJE

Prijedlog Zakona o izmjenama i dopunama Zakona o administrativnim taksama je propis, kojim se ne povređuju prava zaštićena odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima, kojima je utvrđena zaštita ljudskih prava i sloboda.

S poštovanjem,



web: <http://mpu.ks.gov.ba>
 e-mail: pravda@ks.gov.ba
 Tel: + 387 (0) 33 562-083, Fax: + 387 (0) 33 562-241
 Sarajevo, Reisa Džemaludina Čauševića 1





KANTON SARAJEVO
Ured za zakonodavstvo
Vlade Kantona Sarajevo

CANTON SARAJEVO
Office for legislature of Sarajevo Canton
Government

Broj: 09-02-18866/16
Sarajevo, 17.05.2016. godine

KANTON SARAJEVO
MINISTARSTVO FINANSIJA

PREDMET: Stručno mišljenje na prijedlog Zakona o izmjenama i dopuni Zakona o aministrativnim taksama.-

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst, 30/11-Ispravka i 23/15), Ured za zakonodavstvo Vlade Kantona Sarajevo, daje sljedeće

MIŠLJENJE

1. Ured za zakonodavstvo Vlade Kantona Sarajevo nema primjedbi na dostavljeni tekst prijedloga Zakona o izmjenama i dopuni Zakona o aministrativnim taksama po pitanju normativno-tehničke pripreme predmetnog materijala.

Predložene izmjene tarifa administrativnih taksi su isključivo finansijsko-stručne prirode, te za njihovu zakonitost odgovara nosilac pripreme predmetnog materijala.

Skupština, odnosno Vlada Kantona Sarajevo procijenit će opravdanost predloženih izmjena tarife administrativnih taksi, a na osnovu obrazloženja nosioca pripreme predmetnog materijala.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst, 30/11-Ispravka i 23/15), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



SEKRETAR

Alma Ljubović, dipl.pravnik



web: <http://uz.ks.gov.ba>
e-mail: ured@ks.gov.ba
Tel/fax: + 387 (0) 33 560-448
Sarajevo, Hamida Dizdara 1



30/01

ZAKON

O ADMINISTRATIVNIM TAKSAMA (Prečišćeni tekst)

I - OPĆE ODREDBE

Član 1.

Ovim zakonom propisuje se način plaćanja administrativnih taksi (u daljem tekstu: takse) za spise i radnje kod organa uprave i pravnih lica koja imaju javno ovlaštenje (u daljem tekstu: organi) na području Kantona Sarajevo (u daljem tekstu: Kanton).

Član 2.

Spisi radnje za koje se plaća taksa, kao i visina takse za pojedine radnje utvrđuje se Tarifom administrativnih taksa (u daljem tekstu: Tarifa).

Član 3.

Takseni obveznik je lice po čijem zahtjevu je pokrenut postupak ili vrše radnje predviđene Tarifom.

Ako za isti spis ili radnju postoje dva ili više taksenih obveznika, njihova obaveza je solidarna.

Ako više lica podnosi zajednički zahtjev, plaća se jedna taksa.

Član 4.

Taksena obaveza nastaje u trenutku predaje zahtjeva za izdavanje rješenja ili druge isprave, odnosno u trenutku podnošenja podneska.

Taksa se ne može naplatiti ako nije utvrđena Tarifom.

Član 5.

Taksa se plaća u trenutku nastanka obaveze.

Taksena obaveza nastaje:

1. za podneske - u trenutku kada se predaje, a za podneske date u zapisnik - kada se zapisnik sastavlja,
2. za rješenja i druge isprave - u trenutku podnošenja zahtjeva za njihovo izdavanje,
3. za pravne radnje - u trenutku podnošenja zahtjeva za izvršenja tih radnji.

Član 6.

Ako je Tarifom propisano da se taksa plaća prema vrijednosti predmeta, kao osnovica za utvrđivanje takse uzima se vrijednost naznačena u podnesku ili ispravi, ili vrijednost utvrđena na način propisan u Tarifi, ili vrijednost utvrđena procjenom organa koji vodi postupak.

Kada se isprava za koju se plaća taksa, na zahtjev stranke, izdaje u dva ili više primjeraka, za drugi i svaki dalji primjerak plaća se taksa za prepis i ovjeru prepisa.

Taksa iz prethodnog stava ne može biti veća od takse za prvi primjerak.

Član 7.

Takse se plaćaju u administrativnim taksama markama ili u gotovom novcu.

Takse se plaćaju u gotovom novcu ako je iznos takse veći od 50 KM.

Takse su prihod Kantona i plaćaju se na odgovarajuću vrstu prihoda depozitnog računa Budžeta Kantona Sarajevo.

Potvrda o uplati takse prilaže se uz podnesak za koji je taksa plaćena.

II - OSLOBAVANJE OD PLAĆANJA TAKSI

Član 8.

Od plaćanja takse oslobođeni su:

1. Bosna i Hercegovina;
2. Federacija, federalne jedinice i jedinice lokalne samouprave i njihovi organi;
3. Ustanove iz oblasti predškolskog obrazovanja, prosvjete, nauke, kulture, zaštite kulturne i privredne baštine, zdravstva, veterinarstva, socijalne zaštite i humanitarne i dobrotvorne organizacije u obavljanju svoje djelatnosti;
4. Učenici i redovni studenti za vrijeme redovnog školovanja;
- 4a. Radnici u postupku ostvarivanja prava po osnovu radnog odnosa;
5. Organizacije i savezi osnovani za zaštitu lica sa fizičkim i psihičkim nedostacima i poremećajima za spise i radnje u vezi sa vršenjem djelatnosti;
6. Savezi i organizacije ratnih vojnih invalida, porodica šehida i poginulih boraca, demobilisanih boraca za spise i radnje u vezi sa vršenjem djelatnosti;
7. Korisnici prava po osnovu Zakona o socijalnoj zaštiti i korisnici projekta hitne pomoći na osnovu uvjerenja Kantonalnog centra za socijalni rad od čijeg izdavanja do podnošenja prijedloga za oslobađanje nije proteklo više od šest mjeseci;
8. Vojni invalidi i invalidi civilne zaštite;

9. Licima kojima je rješenjem nadležnog organa priznato svojstvo člana porodice poginulih, umrlih, nestalih i zarobljenih boraca i pripadnika civilne zaštite;

10. Izbjegllice i raseljena lica;

11. Strani državljani i strane države, ako je to predviđeno međunarodnim ugovorom ili pod uslovima reciprociteta.

U slučaju sumnje o postojanju reciprociteta mišljenje daje Federalno ministarstvo pravde.

Član 9.

Takse se ne plaćaju na slijedeće spise i radnje:

1. Predstavke i pritužbe, te prijedloge državnim i drugim javnim organima;
2. U postupku za povraćaj nepravilno naplaćenih obaveza;
3. U postupku za upis u knjigu državljana;
4. Prijave i upisi u matične knjige;
5. U postupku za ispravku grešaka u rješenjima, drugim ispravama i službenim evidencijama;
6. Za ostvarivanje prava iz zdravstvenog, penzijskog i invalidskog osiguranja i socijalne zaštite;
7. U postupku za ostvarivanje prava boraca, invalida, ratnih vojnih invalida, članova poginulih boraca sa kojima je poginuli borac živio u zajedničkom domaćinstvu i članova porodica poginulih pripadnika civilne zaštite i ratnih invalida civilne zaštite, civilnih žrtava rata, rješavanje statusa izbjeglica i raseljenih lica;
8. U postupku za utvrđivanje radnog staža;
9. Diplome svjedodžbe i uvjerenja o postupku sticanja obrazovanja u osnovnim i srednjim školama i visokoškolskim ustanovama;
10. U vezi sa uređivanjem prava i dužnosti u oblasti odbrane;
11. U postupku za izdavanje i produžavanje važenja ličnih karata;
12. Prijave i odjave prebivališta, boravišta građana i adrese stanovanja;
13. U vezi sa zaštitom spomenika kulture;
14. U postupku za sahranu umrlih lica.

Član 10.

U ispravama koje su oslobođene od plaćanja takse mora se naznačiti na osnovu kojih su odredbi ovog zakona i drugih propisa oslobođene od plaćanja takse.

III - NAPLATA NEISPLAĆENE TAKSE

Član 11.

U rješenju ili drugoj ispravi za koju je plaćena taksa naznačava se da je taksa plaćena, u kojem iznosu, na koji način i prema kojem tarifnom broju.

Član 12.

Podnesci i drugi spisi za koje taksa nije plaćena ili je nedovoljno uplaćena ne smiju biti primljeni neposredno od stranke.

Ako podnesak za koji nije plaćena taksa ili je nedovoljno uplaćena, stigne poštom, organ će pozvati taksenog obveznika opomenom da u roku od osam dana od dana prijema opomene plati redovnu taksu i taksu na opomenu.

Organ će pokrenuti postupak i po podnescima za koje nije plaćena taksa ili je taksa plaćena u nedovoljnom iznosu.

Rješenje ili drugi akt ne može biti uručen stranci prije nego što plati redovnu taksu i taksu po opomeni.

Član 13.

Ako je radnja za koju je organ morao naplatiti taksu obavljena, a taksa nije naplaćena od taksenog obveznika, taksa će se naplatiti prinudno prema odredbama o prinudnoj naplati poreza od pravnih i fizičkih lica.

Član 14.

Pravo na naplatu takse zastarjeva za dvije godine nakon isteka godine u kojoj je taksu trebalo naplatiti.

Vrijeme zastarjevanja prava na naplatu takse prekida se svakom službenom radnjom organa radi naplate koja je stavljena do znanja taksenom obvezniku.

IV - POVRAĆAJ TAKSE

Član 15.

Lice koje plati taksu koju nije bilo obavezno platiti, ili je plati u većem iznosu od propisanog, ili plati taksu za radnju koja nije obavljena, ima pravo na povrat plaćene ili više plaćene takse.

Postupak za povrat takse pokreće se na zahtjev stranke.

Zahtjev za povrat takse rješava organ kome je plaćena taksa.

Član 16.

Vrijeme zastarjevanja prava na povrat takse prekida se svakom radnjom taksenog obveznika poduzetom kod organa radi povrata takse.

Član 17.

Pravo na povraćaj takse zastarjeva za dvije godine po isteku godine u kojoj je taksa plaćena.

V - NADZOR

Član 18.

Nadzor nad izvršenjem odredaba ovog zakona vrši Kantonalno ministarstvo finansija.

VI - TARIFA ADMINISTRATIVNIH TAKSA

Član 19.

1. Opće takse

Tarifni broj 1.

KM

Na zahtjev, molbe, prijedloge, prijave

i druge podneske, ako ovom tarifom

nije propisana druga taksa 2

Izuzetno iz prethodnog stava za slijedeće zahtjeve plaća se taksa, i to:

1. na zahtjev za izdavanje mišljenja o kompenzacionim 1% od vrijednosti posla, poslovima a najviše 300 KM

2. na zahtjev za izdavanje mišljenja o oslobađanju od plaćanja 1% od vrijednosti posla, članja dijela carine a najviše 300 KM

3. na zahtjev za izdavanje saglasnosti na pijačni red o uslovima i načinu poslovanja tržnica, odnosno pijaca 10

4. na zahtjev za saglasnost na cijene

određenih proizvoda i usluga 30

5. na zahtjev za upis u upisnik turističkih

vodiča i izdavanje iskaznice turističkog

vodiča 50

Napomena:

Taksa po ovom tarifnom broju ne plaća se za naknadne podneske kojim stranka zahtijeva samo brži postupak po ranijem podnesenom zahtjevu.

Tarifni broj 2.

Za sva rješenja za koja nije propisana posebna taksa 8

Napomena:

1. Ako se donosi jedno rješenje po zahtjevu više lica taksa po ovom tarifnom broju plaća se onoliko puta koliko ima lica kojima se uručuje rješenje.
2. Za rješenja donesena po žalbama ne plaća se taksa.

Tarifni broj 3.

Na žalbu protiv rješenja 6

Tarifni broj 4.

Za uvjerenja, ako ovim zakonom nije drukčije propisano 4

Za potvrdu nadležnog pravobranioca 4

Tarifni broj 5.

Za uvjerenje o davanju podataka iz kaznene evidencije
radi ostvarivanja prava u inostranstvu 60

Za izdavanje izvoda iz kaznene evidencije 30

Tarifni broj 6.

Za duplikat isprave o završenom školovanju ili
stručnoj kvalifikaciji 6

Tarifni broj 7.

Za ovjeru prevoda plaća se 50% od takse iz tarifnog broja 13. ove tarife.

Napomena:

Ako organ vrši prevod i ovjeru prevoda, plaća se

pored takse po ovom tarifnom broju, taksa po
tarifnom broju 13. ove tarife 6

Tarifni broj 8.

1. Za ovjeru svakog potpisa 4
2. Za ovjeru rukopisa i prepisa plaća se taksa za prvi
tabak 2 KM, a za svaki slijedeći polutabak 1 KM.

Za ovjeru poslovnih knjiga plaća se od svakog lista 0,50

Napomena:

1. Pod listom podrazumijeva se jedan list (dvije strane) knjige bez obzira na veličinu i bez obzira da li su listovi uvezani ili ne.
2. Taksa iz ovog tarifnog broja plaća se i za ovjeru kartoteke koju zamjenjuju poslovne knjige.
3. Pod polutabakom podrazumijeva se list hartije od 2 strane normalne kancelarijske veličine. Započeti polutabak računa se kao cijeli.
4. Pod ovjerom svakog potpisa ne podrazumijeva se ovjera potpisa sudskog tumača, potpisa na punomoćju za zastupanje pred sudom i ovjera prepisa isprave pisane na stranom jeziku, čije se ovjeravanje vrši pred sudom.

Tarifni broj 9.

Za ostale ovjere, osim katastarskog plana 2

Tarifni broj 10.

Za ovjeru heliografske kopije plana (crteža) plaća se

do cijelog ili započetog m² 1

Tarifni broj 11.

Za prepisivanje službenih akata ili dokumenata koje se vrši kod organa:

1. kada prepisivanje vrši zainteresovano lice od
polutabaka originala 2
2. kada prepisivanje vrši organ od polutabaka originala 1
3. kada organ vrši prepisivanje akata ili dokumenata

na stranom jeziku, od polutabaka originala 1

Napomena:

Uz ovaj tarifni broj primjenjuje se napomena uz tarifni broj 7.

Tarifni broj 12.

Za prevode sa jednog na drugi jezik:

1. ako tekst originala ne prelazi 100 riječi 12
2. ako tekst originala sadrži više od 100 riječi plaća se od cijelog ili započetog polutabaka prevoda 25

Napomena:

Uz ovaj tarifni broj primjenjuju se odredbe napomene uz tarifni broj 7.

2. Takse iz oblasti unutrašnjih poslova

Tarifni broj 13.

Za izdavanje putne isprave, izdavanje duplikata i zamjene putne isprave za putovanje u inostranstvo:

- a) za izdavanje putne isprave 10
- b) za izdavanje putne isprave za dijete 5
- c) za izdavanje duplikata ili zamjenu putnih isprava čija važnost nije istekla više od jednog mjeseca pod tač. a) i b) ovog tarifnog broja 20
- d) za izdavanje kolektivne (zajedničke) putne isprave za svako lice 5

Za izdavanje vize za putnu ispravu:

- a) za vizu za neograničen broj putovanja za jednu godinu 20
- b) za vizu za jedno putovanje za jednu godinu 15
- c) za poslovnu vizu (klauzula "poslovno") za

jednu godinu 20

d) za vizu na kolektivni pasoš za svako lice 5

Tarifni broj 14.

1. Za odobravanje za nabavku:

a) oružja 25

b) municije 20

c) oružanog lista 20

2. Za odobravanje za obavljanje djelatnosti

proizvodnje oružja, prometa oružja i municije,

popravljanja, prepravljanja oružja ili otvaranja

civilnog streljišta 40

3. Za odobrenje za prevoz oružja, municije ili

eksplozivnih materija 10

Napomena:

Za izdavanje novih isprava umjesto izgubljenih ili oštećenih prema ovom tarifnom broju plaća se taksa u dvostrukom iznosu.

Taksa po ovom tarifnom broju ne plaća se za oružje i municiju koje nabavljaju streljačke organizacije, a lovačke organizacije plaćaju takse za 50% niže od propisanih.

Tarifni broj 15.

Za rješavanje zahtjeva za registraciju motornih i

priključenih vozila i traktora kojima se obavlja

djelatnost javnog prevoza ili prevoza za vlastite

potrebe 20

Napomena:

1. Za produženje važenja saobraćajne dozvole plaća se polovina iznosa iz ovog tarifnog broja. Za duplikat saobraćajne dozvole plaća se dvostruki iznos takse iz ovog tarifnog broja.

Tarifni broj 16.

Za rješavanje zahtjeva za registraciju traktora,
radnih mašina, motokultivatora i bicikla sa motorom 20

Napomena:

Za izdavanje duplikata saobraćajne dozvole za traktor,
odnosno potvrde o registraciji, plaća se dvostruki iznos
takse iz ovog tarifnog broja.

Tarifni broj 17.

Za rješavanje zahtjeva za polaganje vozačkog ispita za
vozača traktora 20

Napomena:

1. Za rješavanje zahtjeva za polaganje vozačkog ispita iz oblasti upravljanja motornim vozilom ili traktorom ili iz oblasti provjere poznavanja saobraćajnih propisa za kontrolora vozača radnih mašina, motokultivatora, traktora i bicikla sa motorom, ili iz oblasti pružanja prve pomoći licima povrijeđenim u saobraćajnoj nezgodi, plaća se polovina takse iz ovog tarifnog broja.
2. Taksu po ovom tarifnom broju ne plaćaju učenici škole za unutrašnje poslove, polaznici tečaja za policajce i učenici srednje škole za zanimanje vozača.

Tarifni broj 18.

Za rješavanje zahtjeva za izdavanje vozačke dozvole,
dozvole za upravljanje traktrom ili dozvole za
upravljanje tramvajem 20

Napomena:

1. Za produženje vozačke dozvole, dozvole za upravljanje traktorom ili dozvole za upravljanje tramvajem plaća se polovina takse iz ovog tarifnog broja.
2. Za rješavanje zahtjeva za izdavanje duplikata vozačke dozvole, dozvole za upravljanje traktorom ili tramvajem plaća se dvostruki iznos takse iz ovog tarifnog broja.
3. Privredne takse

Tarifni broj 19.

1. Za rješenje kojim se odobrava osnivanje ili

obavljanje privrednih i profesionalnih djelatnosti
preduzeća 100

2. Za rješenje kojim se odobrava osnivanje ili
obavljanje privrednih i profesionalnih djelatnosti
ostalnih subjekata 80

3. Za rješenje kojim se odobrava pružanje usluga 70

4. Za rješenje kojim se odobrava ili odbija ugovor
o stranom ulaganju na osnovu kojih se vode
koncesionirani i B.O.T poslovni poduhvati 50

Tarifni broj 20.

1. Za rješenja kojima se utvrđuju uslovi za kategorizaciju ugostiteljskih objekata za smještaj iz skupine "Hoteli" i "Kamp i druge vrste ugostiteljskih objekata za smještaj", koji čine:

1.1. hotel, aparthotel, apartman osim apartmana tipa "Studio" i kuća za odmor:

treća kategorija (tri zvjezdice) 3.500

četvrta kategorija (dvije zvjezdice) 3.000

peta kategorija (jedna zvjezdica) 2.500

1.2. hotelsko naselje, apartmansko naselje,

motel, pansion i apartman tipa "Studio"

prva kategorija (tri zvjezdice) 3.000

druga kategorija (dvije zvjezdice) 2.500

treća kategorija (jedna zvjezdica) 2.000

1.3. kamp:

prva kategorija (četiri zvjezdice) 2.500

druga kategorija (tri zvjezdice) 2.000

treća kategorija (dvije zvjezdice) 1.500

četvrta kategorija (jedna zvjezdica) 1.000

1.4. sobe za iznajmljivanje:

prva kategorija (tri zvjezdice) 600

druga kategorija (dvije zvjezdice) 400

treća kategorija (jedna zvjezdica) 300

1.5. napomenute vrste ugostiteljskih objekata za

smještaj - neovisno od kategorije 500

2. Za rješenja kojim se utvrđuju uslovi za kategorizaciju ugostiteljskih objekata za prehranu iz skupine "Restorani" vrste restorana, kod kojih se kategorije označavaju:

zlatna kuharska kapa 1.000

srebrna kuharska kapa 800

brončana kuharska kapa 600

4. Građevinske takse

Tarifni broj 21.

Za akt kojim se daju urbanističko-tehnički uslovi

građevinskog ili saobraćajnog objekta 30

Tarifni broj 22.

Za izdavanje protokola regulacije ili građevinske linije:

1. Za jednu ulicu 4

2. Za dvije ili više ulica 6

Tarifni broj 23.

Za akt kojim se odobrava podizanje građevinskog objekta koji nije podložan taksi po tarifnom broju 27. ove taksene tarife plaća se:

1. Za poljoprivredne objekte 2

2. Za ostale građevinske objekte 3

Napomena: za akt kojim se odobrava rekonstrukcija, proširenje, dograđivanje ili opravka građevine plaća se polovina odgovarajuće takse po ovom tarifnom broju.

Tarifni broj 24.

Za zahtjev za izdavanje odobrenja za izgradnju koji se izdaje po Zakonu o prostornom uređenju plaća se taksa u iznosu od 0,5 promila od vrijednosti objekta, a najviše 150

Za ovjeru tehničke dokumentacije kod izdavanja urbanističke saglasnosti i odobrenja za građenje, plaća se 0,5 promila od investicione vrijednosti objekta, a najviše 100

Tarifni broj 25.

Za zahtjev za pregled mjesta za podizanje građevinskih objekata i znakova koji služe saobraćaju ili postrojenju po jednom mjestu pregleda plaća se taksa u iznosu od 4

Tarifni broj 26.

Za zahtjev za tehnički pregled objekta radi izdavanja odobrenja za upotrebu izgrađenog, rekonstruisanog ili nadzidanog objekta plaća se 1 promil od vrijednosti objekta utvrđene u tehničkoj dokumentaciji prema kojoj je pribavljeno za građenje, a najviše 150

Napomena: Taksa po ovom tarifnom broju ne odnosi se na objekte za čiji je pregled radi dobijanja dozvole za puštanje u rad propisana posebna taksa u tarifnom broju 28. ove tarife.

Tarifni broj 27.

Zahtjevi koji se podnose za izdavanje utvrđujućeg rješenja ili rješenja o legalizaciji i sanaciji bespravno izgrađenog objekta, kao i druga rješenja koja se izdaju u skladu sa Zakonom o prostornom uređenju, a nisu regulisana ovom tarifom taksiraju se kao zahtjev za izdavanje odobrenja za građenje objekta.

5. Energetske takse

Tarifni broj 28.

Za izdavanje dokumenata o ispravnosti mašinskih, električnih, elektromašinskih, plinskih i drugih postrojenja koja po postojećim propisima podliježu tehničkom pregledu radi dobijanja odobrenja za korištenje, plaća se 3 promila od vrijednosti objekta, uređaja i opreme, a najmanje 15

6. Saobraćajne takse

Tarifni broj 29.

Za izdavanje licence A, B, C, D, za prevoznika u javnom prevozu:

- a) za izdavanje licence A - linijski prevoz lica 200
- b) za izdavanje licence B - vanlinijski prevoz lica 150
- c) za izdavanje licence C - prevoz stvari - pravna lica 100
- fizička lica 50
- d) za izdavanje licence D - TAXI prevoz - pravna lica 100
- fizička lica 50

Tarifni broj 30.

Za rješenje o registraciji reda vožnje prevoznika
odnosno samostalnog privrednika 50

Tarifni broj 31.

Za rješenje kojim se odobrava privremeni ili stalni
prekid prevoza putnika na kantonalnoj liniji 100

Tarifni broj 32.

Za rješenje kojim se odobrava linijski i vanlinijski
prevoz putnika 100

Napomena:

Ako prevoz obavlja strano fizičko ili pravno lice, taksa se plaća u dvostrukom iznosu.

Tarifni broj 33.

Za rješenje o odobravanju prevoza za posebne namjene, i to:

- za prevoz jednim vučnim vozilom 100
- za prevoz sa više vučnih vozila za svako slijedeće vozilo (po istom rješenju) 50

Tarifni broj 34.

Za rješenje o utvrđivanju kategorizacije autobuskih stanica plaća se i to:

I kategorija 200

II kategorija 150

III kategorija 100

IV kategorija 50

7. Ostale takse

Tarifni broj 35.

Za rješenje o upotrebi grba Kantona u sastavu zaštićenog žiga, nezaštićenog znaka, amblema ili ukrasa i imena Kantona Sarajevo u nazivu pravnog lica i imena proizvoda 30

Tarifni broj 36.

Za rješenje o registraciji udruženja građana i rješenja o upisu u registar fondacija 100

Tarifni broj 37.

Za čuvanje, depozit novca, stvari i hartije od vrijednosti koje se daju na čuvanje plaća se 4% godišnje od vrijednosti.

Napomena:

1. Taksa iz ovog tarifnog broja plaća se za prvu godinu unaprijed, a za ostale godine prilikom podizanja depozita. Započeta godina računa se kao cijela.
2. Ako se depozit, po zahtjevu deponenta prenosi od jednog depozitara drugom, za prenose se plaća iznos jednogodišnje takse.
3. Ova taksa ne plaća se za depozit koji se polaže na zahtjev državnih organa, odnosno po službenoj dužnosti, ako se u roku podigne.

Tarifni broj 38.

Za opomenu kojom se neko poziva da plati ili nadoplati administrativnu taksu plaća se taksa u iznosu od 3

Napomena:

Taksa po ovom tarifnom broju plaća se za netaksirane, nedovoljno taksirane podneske, kao i za opomenu koju je takseni obveznik bio dužan platiti bez opomene.

VII - PRELAZNE I ZAVRŠNE ODREDBE

Član 20.

Propise o emitovanju i distribuciji taksa za područje Kantona Sarajevo donosi Vlada Kantona Sarajevo.

Član 21.

Za spise i radnje za koje je taksena obaveza nastala do dana stupanja na snagu ovog zakona taksa se plaća po propisima koji su važili u trenutku taksene obaveze.

Na osnovu člana 5. Zakona o izmjenama i dopunama Zakona o komunalnim taksama ("Službene novine Kantona Sarajevo", broj 24/01) i člana 47. stav 4. alineja 3. Poslovnika Skupštine Kantona Sarajevo - prečišćeni tekst ("Službene novine Kantona Sarajevo", br. 6/00 i 14/00), Zakonodavno-pravna komisija Skupštine Kantona Sarajevo, na sjednici od 22. novembra 2001. godine, utvrdila je Prečišćeni tekst Zakona o komunalnim taksama.

Prečišćeni tekst Zakona o komunalnim taksama obuhvata: Zakon o komunalnim taksama ("Službene novine Kantona Sarajevo", broj 6/97), Zakon o izmjenama i dopunama Zakona o komunalnim taksama ("Službene novine Kantona Sarajevo", broj 11/97), Zakon o izmjenama Zakona o komunalnim taksama ("Službene novine Kantona Sarajevo", broj 15/98), Zakon o izmjeni i dopuni Zakona o komunalnim taksama ("Službene novine Kantona Sarajevo", broj 13/99) i Zakon o izmjenama i dopunama Zakona o komunalnim taksama ("Službene novine Kantona Sarajevo", broj 24/01), u kojima je označen dan stupanja na snagu tih zakona.

Broj 01-02-342/01 22. novembra 2001. godine Sarajevo

22/02

Na osnovu člana 18. stav 1. tačka b) i člana 38. stav 1. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00 i 4/01), Skupština Kantona Sarajevo, na sjednici od 12. septembra 2002. godine, donijela je

ZAKON

O IZMJENAMA I DOPUNAMA ZAKONA O ADMINISTRATIVNIM TAKSAMAMA

Član 1.

U Zakonu o administrativnim taksama ("Službene novine Kantona Sarajevo", broj 30/01 - prečišćeni tekst) u članu 9. tačka 13. brišu se tačka i zarez i dodaju zarez i riječi: "osim u postupku izdavanja odobrenja za iznošenje djela savremene umjetnosti u inostranstvo".

Član 2.

U poglavlju VI TARIFA ADMINISTRATIVNIH TAKSA u članu 19. Tarifni broj 13. stav 1. tačka b) iza riječi "dijete" dodaje se zarez i riječi: "ili za naknadni upis djeteta u pasoš jednog roditelja ili drugog zakonskog zastupnika",

a u tački c) riječi: "putnih isprava čija važnost nije istekla više od jednog mjeseca" brišu se i dodaju riječi: "oštećenih ili uništenih putnih isprava".

U Tarifnom broju 35. dodaje se stav 2. koji glasi: "za rješenja o davanju odobrenja za iznošenje djela savremene umjetnosti u inostranstvo 30".

Član 3.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-17471/02
12. septembra 2002. godine
Sarajevo

10/05

Na osnovu člana 18. stav 1. tačka h. i člana 38. stav 1. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici od 31. marta 2005. godine, donijela je

ZAKON

O IZMJENAMA I DOPUNAMA ZAKONA O ADMINISTRATIVNIM TAKSAMAMA

Član 1.

U Zakonu o administrativnim taksama ("Službene novine Kantona Sarajevo", broj 30/01 - prečišćeni tekst i 22/02) u članu 9. tač 8., 10. i 13. mijenjaju se i glase:

- "8. U postupku zasnivanja radnog odnosa i utvrđivanja radnog staža;
- 10. U postupku uređivanja prava i dužnosti u oblasti odbrane;
- 13. U postupku zaštite spomenika kulture;"

Član 2.

Iza poglavlja II OSLOBAĐANJA OD PLAĆANJA TAKSI dodaje se novo poglavlje III koje glasi:

"III OTPIS TAKSE

Član 11.

U slučaju smrti ili teže bolesti taksenog obveznika Vlada na prijedlog Ministarstva finansija otpisuje taksu.

Pod teškom bolešću, u smislu ovog člana, podrazumijevaju se: poremećaji metabolizma (dijabetes samo insulinoovisnih, Chronova bolest, ulcerozni kolitis i druga granulomatozna oboljenja), maligna oboljenja, sva degenerativna oboljenja centralnog nervnog sistema, infarkt (srčani i moždani), oboljenja mišićnog sistema i paralize, hronična oboljenja (teška bubrežna, insuficijencija -hemodijalizirani pacijenti, psihička).

Bolest se dokazuje na osnovu nalaza i mišljenja o dijagnozi, koju daje komisija od tri ljekara određene specijalnosti iz Kliničkog centra Univerziteta u Sarajevu."

Poglavlja III, IV, ... VII postaju poglavlja IV, V ... VIII.

Članovi 11., 12., ... postaju čl. 12., 13.....

Član 3.

Član 12. mijenja se i glasi:

"Član 12.

Ako podnesak za koji nije plaćena taksa ili taksa nije plaćena u punom iznosu, stigne poštom, organ će pozvati taksenog obveznika opomenom da u roku od 8 dana od dana prijema opomene plati redovnu taksu i taksu na opomenu.

Organ neće pokrenuti postupak po podnoscima za koje i nakon opomene, nije plaćena taksa u potpunosti".

Član 4.

U članu 19. Tarifni broj 5. stav 1. briše se, a u stavu 2. iznos: "30" zamjenjuje se iznosom "35".

Član 5.

U članu 19. Tarifni broj 14. mijenja se i glasi:

"Tarifni broj 14.

1. Za odobravanje za nabavku:

a) oružja 100

b) lovačkog oružja 30

c) municije 30

d) oružnog lista 30

2. Za odobravanje za obavljanje djelatnosti:

a) proizvodnje oružja 100

b) prometa oružja i municije 100

c) popravljanja, prepravljanja oružja

ili otvaranja civilnog streljišta 40

3. Za odobrenje za prevoz oružja, municije ili eksplozivnih materija 20

Napomena:

Za izdavanje novih isprava umjesto izgubljenih ili oštećenih prema ovom tarifnom broju plaća se taksa u dvostrukom iznosu.

Taksa po ovom tarifnom broju ne plaća se za oružje i municiju koje nabavljaju streljačke organizacije, a lovačke organizacije plaćaju takse za 50% niže od propisanih."

Član 6.

U članu 19. Tarifni broj 16. mijenja se i glasi:

"Tarifni broj 16.

Za rješavanje zahtjeva za registraciju:

- a) traktora, radnih mašina, motokultivatora i drugih poljoprivrednih mašina 10
- b) motocikla sa motorom 30

Napomena:

1. Za izdavanje saobraćajne dozvole za traktor, radne mašine, motokultivatore i druge poljoprivredne mašine registrirani poljoprivredni proizvođači plaćaju taksu umanjenu za 50%.
2. Za izdavanje duplikata za saobraćajne dozvole za traktor, odnosno potvrde o registraciji, plaća se dvostruki iznos takse iz ovog Tarifnog broja."

Član 7.

U članu 19. Tarifni broj 19. tačka 3. iznos: "70" zamjenjuje se iznosom "80".

Član 8.

U članu 19.iza Tarifnog broja 27. dodaje se nova tačka 5. koja glasi:

"5. Takse za zaštitu okoliša

Tarifni broj 28.

Za rješenje o izdavanju okolinske dozvole 50

Davanje saglasnosti, dozvola i ovlaštenja za vršenje poslova iz oblasti upravljanja otpadom, mjerenja emisija iz stacionarnih izvora u zrak i mjerenje buke 80

Za ostale zahtjeve iz oblasti zaštite okoliša 30".

U Tarifi administrativnih taksa tač.5.,6. i 7. postaju tač.6.,7. i 8., a tar. broj 28.,29... postaju tar. broj 29., 30...

Član 9.

U cijelom tekstu Zakona riječ "povraćaj" zamjenjuje se riječju "povrat".

Član 10.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-15036/05
31. marta 2005. godine
Sarajevo

Predsjedavajuća
Skupštine Kantona Sarajevo
Meliha Alić, s. r.

26/02

Na osnovu člana 18. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj 24. jula 2008. godine, donijela je

ZAKON

O IZMJENAMA I DOPUNAMA ZAKONA O ADMINISTRATIVNIM TAKSAMAMA

Član 1.

U Zakonu o administrativnim taksama ("Službene novine Kantona Sarajevo", broj 30/01 - Prečišćen tekst, 22/02 i 10/05) u članu 20. Tarifni broj 4. stav 1. iza riječi "uvjerenja", dodaju se slijedeće riječi: "i izvode iz matičnih knjiga".

Član 2.

U članu 20. Tarifni broj 7. i Napomena broj "13" zamjenjuje se brojem "12".

Član 3.

U članu 20. Tarifni broj 13. mijenja se i glasi:

"Tarifni broj 13.

Za putne isprave - pasoše:

- a) za prijavu nestanka (gubitka) pasoša 20
- b) za molbu za zamjenu oštećenog pasoša 20
- c) za molbu za zamjenu pasoša čiji rok važnosti nije istekao 2
- d) za izdavanje uvjerenja o posjedovanju - neposjedovanju pasoša 4

Za izdavanje službene iskaznice u skladu s Pravilnikom o službenoj iskaznici lica koja obavljaju poslove fizičke ili tehničke zaštite ljudi i imovine ("Službene novine Federacije BiH", broj 54/02) 20.

Za uvjerenje iz službene evidencije prijave i odjave prebivališta- boravišta građana 5.

Za uvjerenje o nekažnjavanju ili kažnjavanju za prekršaje 5".

Član 4.

U članu 20. Tarifni broj 20. dodaje se nova podtačka 1.2., koja glasi:

"1.2. apartman i kuća za odmor

prva kategorija (pet zvjezdica) 4.500

druga kategorija (četiri zvjezdice) 4.000."

Dosadašnje podtač. 1.2., 1.3., 1.4. i 1.5. postaju podtač. 1.3., 1.4., 1.5. i 1.6.

Član 5.

U članu 20. Tarifni broj 26. u Napomeni broj "28" zamjenjuje se brojem "29".

Član 6.

U članu 20. Tarifni broj 37. dodaje se stav 2. koji glasi:

"Za rješenje o davanju, odnosno produženju radne dozvole za rad stranaca 1.000".

Član 7.

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-23723/08
24. jula 2008. godine
Sarajevo

**IZVOD IZ ZAKONA O PROFESIONALNOJ REHABILITACIJI,
OSPOSOBLJAVANJU I ZAPOŠLJAVANJU LICA SA INVALIDITETOM („Službene
novine Federacije BiH,, broj 9/10)**

VII. OLAKŠICE PRI ZAPOŠLJAVANJU LICA SA INVALIDITETOM

Član 48.

Pravno i drugo lice koje zapošljava lice sa invaliditetom (u daljnjem tekstu: (poslodavac) ima pravo na:

1. poreske i carinske olakšice utvrđene poreskim i carinskim propisima;
2. stimulans predviđen ugovorom o zapošljavanju lica sa invaliditetom zaključenim sa Fondom, sluzbom za zapošljavanje, Fondom za penzijsko-invalidsko osiguranje, nadležnom službom socijalne zaštite, jedinicom lokalne uprave ili sa drugim poslodavcem (u daljnjem tekstu: nosilac osiguranja zapošljavanja).

Privredna društva za zapošljavanje lica sa invaliditetom i zaštitne radionice, pored prava iz stava 1. ovog člana, imaju pravo i na:

1. pogodnosti na osnovu statusa poslodavca;
2. novčanu nadoknadu.

Olakšice i druga prava iz ovog člana poslodavac ostvaruje, bez obzira na to da li je lice sa invaliditetom prethodno bilo prijavljeno na evidenciji nezaposlenih službe za zapošljavanje.

Član 49.

Privredno društvo za zapošljavanje lica sa invaliditetom i zaštitna radionica, u skladu sa članom 48. ovog Zakona, oslobođeni su plaćanja:

1. poreza na specifične načine ostvarivanja prihoda kao što su lutrija, tombola ili druga vrsta nagradne igre i razne jednokratne dobrotvorne akcije neekonomske prirode;
2. poreza na svaki vid stavljanja privatne svojine u javnu svojinu u korist privrednog društva;
3. poreza u slučaju sticanja prava svojine na nepokretnosti bez obzira na osnov sticanja (kupovina, poklon, legat, testament i dr.);
4. poreza na dobit,
5. naknade za eksploataciju šuma;
6. članarine za turističke zajednice;
7. naknade za infrastrukturu (građevinsko zemljište, vodoprivreda, elektroprivreda, magistralni putevi i dr.);
8. doprinosa za vodoprivredu;
9. poreza za zaštitu od prirodnih i drugih nepogoda;
10. doprinosa za ekološku zaštitu;
11. komunalnih, administrativnih i dr. vrsta taksi;
12. naknada i taksi prilikom registracije preduzeća i samostalnih djelatnosti.

Privredno društvo, ustanova, organizacija lica sa invaliditetom i zaštitna radionica plaćaju komunalne usluge, telefonske usluge i troškove električne energije, pod uslovima koji važe za domaćinstva.

Oslobađanja i beneficije utvrđene ovim članom bliže se uređuju zakonima i drugim propisima, kojim se regulišu te oblasti.

Na osnovu člana IV.B.7 a)(IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O NASLJEĐIVANJU U FEDERACIJI BOSNE I HERCEGOVINE

Proglašava se Zakon o nasljeđivanju u Federaciji Bosne i Hercegovine, koji je donio Parlament Federacije Bosne i Hercegovine na sjednici Predstavničkog doma od 25.06.2014. godine i na sjednici Doma naroda od 10.07.2014. godine.

Broj 01-02-711-02/14
22. septembra 2014. godine
Sarajevo

Predsjednik
Živko Budimir, s. r.

ZAKON

O NASLJEĐIVANJU U FEDERACIJI BOSNE I HERCEGOVINE

DIO PRVI

NASLJEDNO PRAVO

I. OPĆE ODREDBE

Ostvarivanje nasljednog prava

Član 1.

- (1) Nasljedno pravo u Federaciji Bosne i Hercegovine (u daljnjem tekstu: Federacija) ostvaruje se po odredbama ovog zakona.
- (2) Ovim se zakonom uređuju pravila po kojima sud, drugi organi i ovlaštene osobe u Federaciji postupaju u nasljednim stvarima.

Predmet nasljeđivanja

Član 2.

Nasljeđivati se mogu stvari i prava koja pripadaju fizičkim licima, osim onoga što se ne može naslijediti zbog svoje pravne prirode ili po zakonu.

Ravnopravnost u nasljeđivanju

Član 3.

- (1) Sva fizička lica su pod istim uvjetima ravnopravna u nasljeđivanju.
- (2) Stranci su u nasljeđivanju ravnopravni s državljanima Bosne i Hercegovine.

Nasljeđivanje vanbračnih srodnika i srodnika iz potpunog usvojenja

Član 4.

- (1) Vanbračno srodstvo izjednačuje se u pogledu nasljeđivanja sa bračnim, a srodstvo potpunog usvojenja sa srodstvom po krvi.
- (2) U slučaju potpunog usvojenja prestaju međusobna nasljedna prava usvojenika i njegovih potomaka sa njegovim srođnicima po krvi.

Pozivanje na nasljedstvo

Član 5.

- (1) Umrlo fizičko lice (ostavitelj) nasljeđuje onaj koji je njegovom smrću stekao nasljedno pravo (nasljednik).
- (2) Svaka osoba sposobna je naslijediti ako zakonom nije što drugo određeno.
- (3) Nasljedno pravo se stiče po odredbama ovog zakona, a na osnovu ugovora o nasljeđivanju, testamenta ili zakona.
- (4) Nasljedno pravo se stiče u trenutku ostaviteljeve smrti. Sticatelj nasljednog prava može ga se po odredbama ovog zakona odreći, pa će se uzeti kao da ga nikada nije niti stekao.

- (5) Ko je naslijedio ostavitelja, njegov je sveopći pravni sljednik.

Raspologanje ugovorom o nasljeđivanju ili testamentom

Član 6.

Ostavitelj može ugovorom o nasljeđivanju ili testamentom raspolagati svojom imovinom na način i u granicama koji su određeni u zakonu.

Ostavina bez nasljednika

Član 7.

Smrću ostavitelja koji nema nasljednika ostavinu stiče općina, odnosno grad određen ovim zakonom koji time dobivaju jednak položaj kao da su nasljednici ostaviteljevi, osim što se oni ne mogu odreći nasljeđa.

II. NASLJEĐIVANJE NA OSNOVU ZAKONA

A. ZAKONSKI NASLJEDNICI

1. NASLJEDNI REDOVI

Krug zakonskih nasljednika

Član 8.

- (1) Ako ovim zakonom nije drukčije određeno, na osnovu zakona, umrlog nasljeđuju: svi njegovi potomci, njegovi usvojenici i njihovi potomci, njegov bračni partner, njegovi roditelji, njegovi usvojitelji, njegova braća i sestre i njihovi potomci, njegovi djedovi i nane i njihovi potomci, njegovi ostali preci.
- (2) Osobe iz stava (1) ovog člana nasljeđuju po nasljednim redovima.
- (3) Nasljednici bližeg nasljednog reda isključuju iz nasljedstva osobe daljnjeg nasljednog reda.

Vanbračni partner kao zakonski nasljednik

Član 9.

- (1) Na osnovu zakona ostavitelja nasljeđuje i njegov vanbračni partner koji je u pravu nasljeđivanja izjednačen s bračnim.
- (2) Vanbračnom zajednicom u smislu ovog zakona smatra se zajednica života žene i muškarca u skladu s odredbama zakona koji uređuje porodične odnose, a koja je prestala ostaviteljevom smrću.

a) Prvi nasljedni red

Potomci i bračni partner ostavitelja

Član 10.

- (1) Ostavitelja nasljeđuju prije svih njegova djeca i njegov bračni partner.
- (2) Nasljednici prvog nasljednog reda nasljeđuju na jednake dijelove.
- (3) Kad ostavitelj nema potomaka bračni partner ne nasljeđuje u prvom nasljednom redu.

Pravo predstavljanja

Član 11.

Dio ostavine koji bi pripao ranije umrlog djetetu da je nadživjelo ostavitelja nasljeđuju njegova djeca, ostaviteljeva unučad na jednake dijelove, a ako je neko od unučadi umrlo prije ostavitelja, dio koji bi njemu pripao da je bio živ u trenutku ostaviteljeve smrti nasljeđuju njegova djeca, ostaviteljeva praunučad na jednake dijelove i tako redom sve dok ima ostaviteljevih potomaka.

b) Drugi nasljedni red

Bračni partner i roditelji umrlog

Član 12.

- (1) Ostavinu umrlog koji nije ostavio potomke nasljeđuje njegov bračni partner i njegovi roditelji.
- (2) Roditelji umrlog nasljeđuju jednu polovinu ostavine na jednake dijelove, a drugu polovinu ostavine nasljeđuje bračni partner umrlog.

- (2) U slučaju da notar iz opravdanih razloga ne uspije u roku iz stava 1. ovog člana provesti sve radnje, dostavit će o tome izvještaj sudu i Notarskoj komori Federacije Bosne i Hercegovine u kojem će obrazložiti razloge zbog kojih nije dovršio postupak.

Ovlaštenja i dužnosti notara

Član 260.

- (1) Kao povjerenik suda u ostavinskom postupku notar na osnovu odluke suda o povjeravanju provodi radnje i donosi odluke propisane ovim zakonom.
- (2) U slučajevima iz čl. 239., 240. i 241. ovog zakona notar će vratiti spis nadležnom sudu.
- (3) U slučajevima iz čl. 173., 177. i 178. ovog zakona notar može donositi odluke samo uz saglasnost svih stranaka u postupku. U protivnom vratit će spis nadležnom sudu.
- (4) Nakon pravomoćnosti rješenja kojim je postupak okončan, odnosno povodom izjavljenog prigovora, kao i u drugim slučajevima kada po odredbama ovog zakona vraća spis nadležnom sudu, notar će vratiti spis nadležnom sudu, a u notarskom spisu zadržati prijepis spisa.

Službeno sjedište notara

Član 261.

- (1) Sud će provođenje ostavinskih postupaka povjeravati notarima koji imaju službeno sjedište na području suda ili na području njegovog odjeljenja.
- (2) Kad na području suda, odnosno odjeljenja suda imaju svoja službena sjedišta više notara, predmeti će im se dodjeljivati u rad ravnomjerno abecednim redom prezimena notara, na koji red neće uticati završetak kalendarske godine.
- (3) Ostavinske predmete u skladu sa st. 1. i 2. ovog člana sud može dostavljati notarima i elektronskim putem.

II. POLOŽAJ I RAD NOTARA KAO SUDSKOG POVJERENIKA

Važenje zakona

Član 262.

- (1) Ako ovim zakonom nije drukčije propisano, za rad notara kao sudskog povjerenika važe propisi kao za sudove.
- (2) O razlozima za izuzeće notara odlučuje sud koji ga je postavio za svog povjerenika.

Dostavljanje

Član 263.

Pozive i druge isprave koje sastavlja kao sudski povjerenik notar dostavlja strankama prema propisima o sudskoj dostavi.

Oslobođenje od troškova taksi

Član 264.

U izvršenju povjerenog posla notar je ovlašten pribavljati potrebne podatke i isprave od drugih nadležnih organa. Podnesci kojima to traži oslobođeni su od troškova sudskih i administrativnih taksi.

Nadzor suda

Član 265.

- (1) Nadzor nad radom notara kao sudskog povjerenika vrši sud koji mu je povjerio posao.
- (2) Notar ne može, osim iz naročito opravdanih razloga, odbiti povjereni posao, a o čemu je bez odgađanja dužan obavijestiti sud i Notarsku komoru Federacije Bosne i Hercegovine.
- (3) O opravdanosti razloga iz stava 2. ovog člana odlučuje sud koji mu je povjerio posao, pri čemu sud može zatražiti mišljenje Notarske komore Federacije Bosne i Hercegovine.

- (4) Kad notar odbije povjereni posao ili kad mu sud oduzme povjereni posao, sud će narediti notaru predaju spisa i po službenoj dužnosti izvršiti svoj nalog te o tome obavijestiti Notarsku komoru Federacije Bosne i Hercegovine.
- (5) Notar koji odbije izvršiti nalog suda ili odbije predati sudu spise o povjerenom poslu čini povredu službene dužnosti iz člana 120. Zakona o notarima ("Službene novine Federacije BiH", br. 45/02).

Prestanak rada notara

Član 266.

- (1) U slučaju prestanka rada notara ili promjene službenog sjedišta notara, kojem je sud povjerio provođenje ostavinskog postupka, postupit će se po odredbama propisa o notarskoj službi koji se odnose na postupak sa spisima notara nakon što se uprazni mjesto notara.
- (2) Ako u roku od 130 dana ne bude postavljen novi notar ili vršitelj dužnosti notara kojem su povjereni svi spisi, knjige i druga dokumentacija, Notarska komora dužna je sve spise koje je sud povjerio na provođenje ostavinskog postupka vratiti nadležnom sudu, a nadležni sud će postupiti u skladu sa odredbom člana 261. ovog zakona.

III. NAGRADA I TROŠKOVI NOTARA KAO SUDSKOG POVJERENIKA

Nagrada i troškovi

Član 267.

- (1) Nagrada i troškovi notara kao povjerenika suda u provođenju ostavinskog postupka određuju se tako da se jedna nagrada po pravilu odnosi na sve radnje notara u pojedinom ostavinskom postupku.
- (2) Pravilnikom o nagradi za provođenje ostavinskog postupka propisat će se za koje radnje notar ima pravo na posebnu nagradu (popis ostavine, dopunsko rješenje o nasljeđivanju, djelomično rješenje o nasljeđivanju i sl.).
- (3) Kad u ostavinskom postupku notar postupa kao povjerenik suda, ne plaća se taksa.
- (4) Plaćanje notarske nagrade i nadoknade vrši se u skladu s propisima o notarskoj službi i Pravilniku iz člana 268. ovog zakona.

Pravilnik

Član 268.

- (1) Visinu nagrade i nadoknade troškova za radnje iz člana 267. ovog zakona propisat će federalni ministar pravde na prijedlog Notarske komore Federacije Bosne i Hercegovine.
- (2) Notar smije za službene radnje koje je proveo u ostavinskom postupku kao povjerenik suda računati i naplaćivati samo nagradu po propisanoj tarifi. Zabranjeno je notaru sklapanje pogodbe sa strankama o plaćanju nagrade i troškova drukčije nego je propisano tarifom.
- (3) Notar će odbiti davanje klauzule pravomoćnosti i dostavljanje pravomoćnog rješenja o nasljeđivanju javnim registrima, sve dok stranke ne izmire cjelokupni iznos notarske nagrade i nadoknade troškova.

DIO ČETVRTI PRIJELAZNE I ZAVRŠNE ODREDBE

Član 269.

- (1) Prava stranaka u vezi s nasljeđivanjem cijenit će se po zakonu koji se primjenjivao u času otvaranja nasljedstva.
- (2) Procesne odredbe ovog zakona primjenjivat će se na sve slučajeve nasljeđivanja za koje je ostavinski postupak pokrenut nakon početka primjene ovog zakona.
- (3) Sud će u roku 30 dana počevši od dana primjene ovog zakona povjeriti notarima u skladu sa odredbama člana 261. ovog zakona sve ostavinske predmete u kojima do dana